

Acta da Xunta de Goberno correspondente á ordinaria do 22 de xaneiro de 2016

No Pazo da Deputación Provincial de Ourense, o vinte e dous de xaneiro do ano dous mil dezaseis, ás dez horas, reúnese a Xunta de Goberno da Deputación baixo a presidencia de don Rosendo Luis Fernández Fernández (vicepresidente 1º), en substitución do titular don José Manuel Baltar Blanco, presidente da mencionada Deputación -que como tal é da Xunta-, cos deputados, don Jorge Pumar Tesouro, don Plácido Álvarez Dobaño, dona Montserrat Lama Nóvoa, don Juan Anta Rodríguez, dona Ana M.ª Villarino Pardo, don Manuel Doval Soto e don Pablo Pérez Pérez, os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, ORDINARIA, DO DÍA 15 DE XANEIRO DE 2016.- Unha vez examinada a acta da sesión ordinaria que tivo lugar o día quince de xaneiro de dous mil dezaseis, a **Xunta de Goberno** da Deputación **acordou**, por unanimidade, a súa aprobación, sen observacións.

2.- ACEPTACIÓN DA RENUNCIA FORMULADA POLO CONCELLO DA RÚA Á SUBVENCIÓN CONCEDIDA CON CARGO Ó PROGRAMA PROVINCIAL DE COOPERACIÓN COS CONCELLOS PARA A EXECUCIÓN DE INFRAESTRUTURAS DEPORTIVAS CORRESPONDENTE Ó EXERCICIO 2014.- Unha vez visto o informe-proposta formulado polo xefe do Servizo de Investimentos, Subvencións e Patrimonio con data 30 de decembro de 2015, e de conformidade coa proposta formulada, a **Xunta de Goberno**, por unanimidade, **adopta** o seguinte **acordo**:

1.- Acepta-la renuncia formulada polo Concello da Rúa á subvención concedida con cargo ó Programa provincial de cooperación cos concellos para a execución de infraestruturas deportivas correspondente ó exercicio 2014, para a execución da obra “Cerramento en graderío campo de fútbol O Aguillón”, por importe de 1.555,76 €.

2.- Notificarlle este acordo ó concello interesado.

3.- EXPROPIACIÓN FORZONSA PARA A EXECUCIÓN DA OBRA DE PISCINA MUNICIPAL EN PORQUEIRA, CLAVE: PEID/2011, NO MUNICIPIO DE

Acta da Xunta de Goberno correspondente á ordinaria do 22 de xaneiro de 2016

PORQUEIRA.- Unha vez visto o ditame favorable da Comisión Informativa de Cooperación, Infraestruturas e Medio Rural, a **Xunta de Goberno**, por unanimidade, **adopta** o seguinte **acordo**:

1º.- Aproba-lo proxecto técnico da obra "piscina municipal en Porqueira", clave: PEID/2011, no termo municipal de Porqueira, así como o anexo de expropiacións, no que se inclúe o plano parcelario e a relación de bens afectados.

2º.- Ter por declarada a utilidade pública das obras mencionadas, de conformidade co disposto no artigo 10 da Lei de expropiación forzosa.

3º.- Acordar definitivamente a necesidade de ocupación dos terreos incluídos na relación de bens e dereitos afectados pola expropiación.

N.º PARCELA EXPEDIENTE	N.º POLÍGONO/PARCELA CATASTRO	TIPO PARCELA	PROPIETARIO EXPEDIENTE	M ² <i>EXPROP</i>
1	502/661	RÚSTICA	Herdeiros de Perfecta Quintas Rodríguez Herdeiros de Gumersinda Rodríguez Rodríguez Amando Rodríguez Rodríguez	555,00

4º.- Publicar e notificarlles este acordo ós interesados, de conformidade coa lexislación vixente.

4.- FIXACIÓN DE PREZOS DE PUBLICACIÓN QUE EDITARÁ A DEPUTACIÓN

PROVINCIAL.- Unha vez visto o ditame favorable da Comisión Informativa de Cultura, Deportes e Mocidade para fixación de prezos de distintas publicacións da Deputación Provincial de Ourense, a **Xunta de Goberno** (en virtude de delegación conferida por acordo do Pleno do 26 de novembro de 2010), por unanimidade, **adopta** o seguinte **acordo**:

- Fixar os prezos de venda ao público das seguintes publicacións, polos importes que se indican:

1.- Do Plan de Publicacións 2014:

. **Rivas Fernández, Juan Carlos:** *A Ponte Maior de Ourense. El puente romano-medieval. La razón de ser de una ciudad.*

Prezo por libro: **35 € (IVE incluído).**

2.- Do Plan de Publicacións 2015:

. **Pérez Castro, L. [et al.] (Coord.):** *Paisajes culturales del agua.*

Acta da Xunta de Goberno correspondente á ordinaria do 22 de xaneiro de 2016

Prezo por libro: 12 € (IVE incluído)

5.- ASUNTOS DE URXENCIA.- Non se suscitaron.

6.- COMUNICACIÓNS DA PRESIDENCIA.- Non houbo.

7.- ROGOS E PREGUNTAS.- Non se formularon.

E, ás dez horas e vinte minutos, do referenciado día vinte e dous de xaneiro do ano dous mil dezaseis, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O SECRETARIO,